

فی ۲۳ رمضان سنہ ۳۲۶ و فی ۶ تشرین اول سنہ ۳۲۴

جمعیت علمیہ اسلامیہ نیک ناشر افکاریدر

مدیر مسئول  
محمد فطین افندیسر محرر  
مصطفی صبریصاحب امتیاز  
شہری احمد افندی

## مندرجات

|                                                |                   |                   |                      |
|------------------------------------------------|-------------------|-------------------|----------------------|
| بشکطاش حادثہ سی و احکام شرعیہ . . . . .        | جمعیت علیہ        | آرزوی دل          | محمد ہارف . . . . .  |
| علوم اسلامیہ عالمہ برنظر . . . . .             | کوچرک جدی         | بند عطار ترجمہ سی | نجیبی راجی . . . . . |
| السلام تحفۃ الاسلام . . . . .                  | جانبی نجیب        | اجتماعیات         |                      |
| دین اسلام مدہ ہدف مناقشہ اولان مسائل . . . . . | مصطفی صبری        | تزايد نفوس        | حسن تحسین . . . . .  |
| التضاد بین الاسلام والاستبداد . . . . .        | حافظ محمد         | فاس مسلمانری      |                      |
| بعث بعد الموت . . . . .                        | حسین حازم         | ہند مسلمانری      |                      |
| ادبیات                                         |                   | زبدہ سیاسیات      |                      |
| برسامرہ سماویہ                                 | ولدان . . . . .   | نشر               |                      |
| جماعت                                          | ع. طائف . . . . . |                   |                      |

نسخہ سی ۵۰ پارہ در

ابونہ اجرتی

برسنہ لکی ۹۵ التی آیلنی ۵۰ غروشددر

درج ابدلیان اوراق اعادہ اولنماز

قادر من:

اکثر مقالانہ آیات کریمہ و احادیث نبویہ درج ایدلمش بولندینی نظر اعتبارہ آلہ رفق رعایت سزا لکدہ بولنلما سی  
رجا اولنور .

## ادبیات

### دور استبداده سولینمش

#### بر مسامره سواویه

ای سوا! یوسککککه خا کیکل یتشه من. خا کیکلرده  
کوریلان بیوککک ینه سنک آثار عظمتکدر. خا کیکلرک  
خزائن حیانیه سی اسباب معیشتی سنده در (وفی السماء رزقکم).  
خا کیکلرک سعادت دنیویه و اخروییه سی متضمن کتاباه  
سندده محفوظدر (بل هو قرآن مجید فی لوح محفوظ).  
ای آسمان! صفت رحمانیه و اسماء ذاتیه و صفاتییه سندده  
متجلیدر (الرحمن علی العرش استوی). سنک بیتک  
معمور. سقفک مرفوعدر. بنم بیتم خراب. سقفم بیابدر.  
سن جمیع انوار حکمت، مخزن اسرار فطرتک. عالم  
اجسامی محیط و سقف جنت اولان عرش اه سندده در.  
اما عالم اکواندنک. عالم اکوانه قدرت الیهک تعاقی  
مساویدر. شوتسائی تعلقه اشتراکیزی اونومه آرتق  
خا کیکلردن سهام جوریکی کس. ای آسمان! اجرامک، سکانک  
بتون علویله، لاهوتیلدر. اما بواضطرابات عنصریه بارخی  
چکن ناسوتیلرک اداره امرجسی و تصرف جسمییه  
ینه نفوس مجردة لاهوتیه دن اولان ارواحده در. بو عالم  
عنصرده چکیلان عذاب الیه آرتق خاتمه ویر نتیجه  
کوستر. خا کیکلره مرحمت حرمت ایت. کولک آرتق مواد  
عنصریه دن انسلاخه چوقدن راضی اولمشدر. (فیا جذبا  
الموت الاحمر). خا کیکلر فربادلری عجزلرندن ایشتمورلر.  
کویا آنلر، حیات وقوه سامعه یه مالک دکلدردر. آق  
صاچلرم وضعیف تترک الاریمی سن که قبله مناجانسنک  
سکا قارشو قالدیروب اغلایه رق پیرانه ایتدیکم مناجانلریکم  
قبول امیدلری بنی متسللی ایدیلور. وشو امیدلرله حیاتم  
سورونجه ده قالیور.

اسکدار درسه ایلرندن

ولدان

## جماعت

برس کایر صماخ کزین اجابته  
برس که دعوت ایلر انامی عبادته  
برس، بتون جوارخی وقف سکون ایدر  
آفاقه طوغری یول بولهرق یوکسلیر، کیدر  
یارب! ندر بورابطه عشق سرمدی؟  
برنشوه باشلا بنجه اذان محمدی  
اطرافدن صنوف بشر طویلانیر، کایر  
سیر ایلین بوجذبۀ لاهوته ایمره نیر  
هر کسده برخشوع درونی، بر اهتمام  
آزاده برسکون شفقدر احترام  
پیروجوان، غنی و کدا هپ بر، بر  
بربارکاه عازم وجوشان اولور، کیدر  
بربارکاه اقدس امت که هرجهت  
اولمش ایچنده آیربنجه بردار مسعدت  
بر بارکاه اشرف ملت که آن بان  
اولمقددر سروش سماواته آشیان  
صقلر سکون ایچنده قرین خضوع نام  
چیقمش حضور حقه علی وجه الانتظام  
نفسیه جنکه کیرمه کلش موحدین  
عازم جهاد اکبره جند مجاهدین  
برحس عاشقانه کلیر آشنالره  
(اه اکبر) اولدیمی جوشان سالره  
برحال انجذاب خوشاوه در، کیدر  
برهبت بلند ضراعت دوام ایدر  
هر صفده برخافت وجود خدا نمون  
کویا زمینه، طاعته اتیش مهبمون  
یاخود مقام حیرت چیقمش بنی بشر  
پرچنبه، والهان رکوع وسجود ایدر  
ربط ایلمش قلوبی صمیمانه خالقه  
باقار حظوظ نفسه، اودرلو علائقه

هر دم کلیر مساجده صبح و مسادیمز  
مؤمن اویت حقدن اوزاق دوشمک ایسته من  
ناحق بر اعتقاد ایله خادم خسارینه  
مالحد باقک کلیری جوامع جوارینه ؟  
وابسته اعتقاد و عبادت مشینه  
انسان کورور ، کورورده اینانماز حقیقته  
ملا جلال او حضرت استاد نکتہ زن  
بحث ایلیور شو قصه عبرت نشانه دن  
« وقتبله محتشم بر افندیله — صبحدم  
ارکان بندکانی میانده ذی قدم —  
بر عبد پروقاسی بر ابرجه خانه دن  
چقمشدی ... بولارنده دوام ایلیور ایکن  
ایتمکله بره وذن اذانه مباشرت  
کلمشدی عبد مخلصه شوق مطارعت  
اذن ایسته یوب دیمشدی : آمولای محترم !  
کیتسم نولور نمازی قیلوب عودت ایلسم  
عبدک شوفکری طبعه موافق دکاسه ده  
اولقله هر ناصلسه قرین مساعده  
کیتشم ... فقط امام و جماعت برر ، برر  
چیقدی . . بونک رجوعنه دائره برخبیر  
یوقدی ... او طالبدی ذکره کچکمشدی عودتی  
جلب ایلیوب افندی به حاليله حدتی  
سسانندی : زرده سک به !

مهیای عودتم

عفو ایله یک آسرور صاحب مروتم !  
بکار . . . ینه او جلهینی عینبله پرتعب  
تکرار ایدر : نه در ؟ نه ایچون بویله بی سبب  
عودتده عاصیانه بو حالک ؟

نه سوبلهیم ؟

اصلا بر اقیورکه بوتملوکی

— سوبله : کیم ؟

اولدی بتون جماعت مسجد چیقوب روان  
کیمدر سنی حضورمه سوبله ، برافایان ؟  
— کیم می ؟ اوت ! او ذات الهی که ( حکمتی )  
حیران ایدر عوالم فکر ورویتی —  
هر کون مروریمزده بو یولدن شو معبد  
بردم سنک دخوانکه ایتمز مساعده  
قیلدی بو عبد عاجزی سیراب عاطفت  
ایتمکده در رجوعمه ازلحق تمناعت ،  
قصه ، معلوم ، فقط حصه ، سزای تصویر  
بری بر میر معظم ، بری نزدنده اسیر  
بری مردود جناب صمدیت ، مبرم  
بری مقبول حضور احدیت ، ملهم  
بری پادریکل برجهل وظلومیتدر  
بری زانوزن محراب عبودیتدر  
هانکیسنده متجلی شرف حریت ؟  
هانکیسی مرتبط رابطه رقت ؟  
حر اولان خالقده بر حصه عرفان ایدینیر ؟  
نفسه مغلوب اولان آواره لره حر می دینیر ؟  
حر دکل ، بونلره انسانده دیمک زاندر  
چونکه امنیه لری معصیته عاندر  
بو سبیدن سیورر حضرت حق عزوجل  
بویله مادون بهیمیت ایچون : ( بل هم اضل )  
ایلمز امر الوهیتی اصلا اذعان  
یا کتز شکل و قیافتجه اولانلر انسان  
حق جف القلم انکاره یوررکن حاشا  
حسن ملیته مانکی بولنسون ، اصلا  
آرامه ، نافله بونلرده بولنماز اوشرف  
آ کلا یوب ، دیکلمه دن دینی ایدر طعنه هدف  
فکر تقلید ایله هر دلرو شوئن غریبه  
دوشورر فرصتی اخلاقه اورر برضریه

جهانده بر نمونه وارمی ، کوسترملکده نمکنی ؟  
فضیلتسز اولانلر دیکره پشت وپناه اولسون  
اولورسه کنندی ، محبسنی برلکده محو ایلر  
بوکون مشهوردمز بر بر بزه اندیشه کاه اولسون  
چالیشمق ، هپ چالیشمق ، ماحصل دایم چالیشمقدر  
بونکچون اورتاده مانمی وار در سدره اولسون ؟

کوکل بوجو ایله اصلا قناعت ایلیمز  
دها نهله ، نهله ایستر ، فراغت ایلیمز  
شمندوفرلری ایستر ، سفینه لر کوزه دیر  
مماننده بوملکک دینه لر کوزه دیر

سمایه سرچکن اورمانلری کورونجه دیور :

باقک شوتوده سم وزه ! عقل کیدیور

نیچون ؟ نه دن ؟ بیله هم بویله قالدی بی امداد

نیچون ، نه دن نه دیمک ؟ بونلری بابان ، بی داد

فرانسه ده بوکون اورمانلری حساب ایدیکنز

حسابی پاپه رق شویله برکتتاب ایدیکنز

برک حذاسه اون برکلیر بو ، مطلقدر

براستایستیکه باتسه بق بوسوز محققدر

بزم بر آلدیفمز برده اونلر اون بر آلیر

بو بر غروشله عجب هرسته بزه نه قالیر ؟

بش آلی جنس اولیور اورده حال بوکه اشجار

اوتوز قدر اولیور بزمه ایتمه استکثار

هله معادن موجودی براز براقک

دونولده یولاره ، مکتبلره کوزلجه باقک !

فقط نه یول ، نه واپور وار ، شمندوفرده کذا

اک اوکجه هانکیسی بیام ملاحظاته سزا ؟

بزمه هرکسه قالسه وطنده مکتبلر

آجیلماي و تأسسده ایتملی بریر

دیمک که رهبرمن شمدی مکتب اولمالیدر .

وطن بونی نه بابوب یایمالی وبولمالیدر

دیمه ز آلمه لم معرفتن اورویانک

دیوروز مفیدی ده ، مصاحبی واردر انک

کندی آملرینه ترک ایدرک عادتلی

کیده لم اوکره نه لم حکمتی ، صنعتی

سعی وغیرت ایله تمعیمه توسل ایدلم

صوکره آتی ایچون الله توکل ایدلم

حس تعظیم ایله یاد ایله لم اسلافی

یأس وحرمان ایله آغلاتیمه اخلافی

فاتح درسمالردن قونیلی

ع . عاطف

## آرزوی دل

کوکل ایسترکه هریر علم وفه بزمکه اولسون

وطن هر معرفته جهله فارشی رزمکه اولسون

او اولر ، قهوه لر بریر اولوبده مکتب ملت

بتون سوزلرله محبتلر ترقیه کواه اولسون

سوزولسون نظاره اندیشه دن افکار استقبال

بواستقبال ، حال اولسون ، بزه برشاهراه اولسون

دماغندن چیقان ارباب فکرک نور عرفانی

سمای شان اتمده برر خورشید وماه اولسون

کچیردک اک کوزل ادوار قیمتدار ماضی بی

جهالتلر ایچنده محو اولان ازمانه آم اولسون

بوکون الحمد لله ایشته کلدی دور حریت

بونک معناسه ابدکارمن برجیکاه اولسون

مسواتک باقک تمالی آرتق تازه جان بولدی

آمان هرکس براولسون ، نقرقه محو وتباه اولسون

جهالت ایستوردی دور استبداد بزلردن

عدالت قوعدی اول دوری بو ، دور ابتباه اولسون

بزه فرض اولدی ورزشله تکمل ایلهمک شمدی

روای ؟ فرض اولان شیلرده ذره اشتباه اولسون

حیات اولماز بوملنده مکر افراد موجوده

قنون ومعرفندن بالعموم امداد خواه اولسون